

اسم الله الفتحاح | الحلقة) 30 (| #إنا_فتحنا_لك | د. حازم

شومان

حازم شومان

في الوري تهتف بها واجعل لقلبك من ضرر انا فتحنا والفتوح ميسرة. فتحنا مبينا ليس فيه تعسرا اسماؤه الحسنى تجلى سلام عليكم ورحمة الله وبركاته. اخواني واحبابي في الله. وصلنا للحلقة الثالثة او - [00:00:00](#)

الحالة الثالثة من الكلام عن اسم الله الفتحاح. اسأل الله ان يفتح علينا في ديننا ودينانا لان احنا محتاجين فتح الله. في كل لحزة بالزات في هذه الايام اوعى اوعى ربنا يفتح لك الابواب بايديه وانت تقفلها على نفسك بايديك. لان ربنا هو الفتحاح. قربنا - [00:00:40](#)

اوعى تبقى انت بقى غلاق. اوعى انت بمعاصيك تقفل الابواب اللي ربنا فتحها. اوعى بكسلك وعجزك تقفل الابواب اللي ربنا فتحها. اوعى بغفلتك او تجاهلك تقفل الابواب اللي ربنا فتحها. اوعى بنفسيتك تقفل الابواب اللي ربنا سبحانه وتعالى فتحها بنتكلم عن اسم الله الفتحاح في سلسلة - [00:01:00](#)

انا فتحنا لك انا فتحنا لك. يعني ايه اسم الله الفتحاح يا جماعة؟ يعني احنا بقى لنا حلقتين ودي الثالثة ولحد دلوقتي لسة ما قلناش معاني اسم الله الفتحاح. واحد الذي يفتح الابواب المغلقة. خد بالك ما فيش فتح غير بعد اغلاق. الفتح يبقى معناه ان فيه قفلة. فيه حاجة - [00:01:20](#)

فولة فيه خير مقفول. فيه ابواب خير انت ما تعرفهاش وربنا بيفتحها من عنده. الذي يفتح الابواب المغلقة. اتنين الذي افتح ابواب الخزائن. لان كلمة الفتح في اللغة بتيجي مع ابواب الخزائن. فتح الخزنة. ربنا عنده كنوز. ربنا عنده مجوهرات سعادة واکرام - [00:01:38](#)

في الحياة ربنا ممكن يفتح عليك فوق ما تتخيل من كنوز الدين والدنيا. سبحانه وتعالى ممكن يفتح عليك في الدين كنوز فهم. القرآن والسنة سبحانه وتعالى زي ما ابن تيمية رحمه الله كان يقول اني لا يغلق علي في اي مسألة فقهية في تفسير اية في فهم احاديث فاستغفر الله - [00:01:58](#)

الف مرة وانا في السوق او في المسجد او في اي مكان. لا يمنعي ذلك من ان استغفر الله الف مرة فيفتح الله سبحانه وتعالى علي. ربنا سبحانه وتعالى الفتحاح بيفتح بالكنوز بقى. يبقى الذي يفتح ابواب الخزائن. وربنا قادر. ثلاثة الذي يكشف الحجم - [00:02:18](#)

لان الفتح مش بس يا جماعة فتح باب مقفول. او فتح باب خزنة. كشف الحجاب ده فتح. يعني ايه الذي يكشف الحجب؟ قلبك بسبب الزنوب بقى فيه حجب بينه وبين الله. حجب بينه وبين الاستلزاز بالقرآن. حجم بينه وبين الاحساس بمعاني الذكر. حكم بينه وبين التأثير بالوعظ - [00:02:38](#)

فلما ربنا يشيل جدار الغفلة اللي حوالين القلب بفتحته وكرمه نور الايمان ونور القرآن والسنة ونور الذكر يدخل بياشر القلب قلبك يستحمى في نور الايمان لأول مرة ويدوق حلاوة الايمان الذي يكشف الحجب عن القلب. اربعة الذي يغلق ابواب الشر. الله - [00:02:58](#)

هو الفتحاح مش اللي بيفتح ما هو المفتاح اللي بيفتح. هو المفتاح اللي بيقل سلسلة مفاتيح الكون كلها في ايد ربنا. له مقاليد السماوات والارض. اي له ما في مفاتيح السماوات والارض مفاتيح كل ابواب السماوات والارض كلها في ايد ربنا سبحانه وتعالى وحده الذي يغلق ابواب الشر عنك ان توليت - [00:03:18](#)

وتجلى عليك باسم الفتح. رقم خمسة الذي يفتح على القلوب. يعني ايه يفتح على القلوب؟ بمعنى واحد. يا جماعة مسلا واحد كده يقوم ايه ده! ده باقي حوالي مية يوم على رمضان. فين القرآن؟ فين المصحف؟ فين التفسير؟ فين الصيام؟ فين الزكر؟ جلسات الضحي. حياته تتقلب بسبب معنى. ربنا ممكن يفتح على - [00:03:38](#)

قلبك بمعنى يحمسك وينشطك يخليك بطة في الدين. ربنا ممكن يفتح على قلبك بمعنى ليلة امتحان يخليك ما تنمش دقيقة. وما تبطلش مذاكرة لحزة ربنا ممكن يفتح على قلبك بمعنى وربنا يمكن يفتح على قلب زوجك بمعنى تجاهك يخليه يعني يعني بيحبك اغلى حاجة في الدنيا - [00:03:58](#)

ربنا قادر يا جماعة الفتح على القلوب بالمعاني الايمانية. خمسة ستة. الذي يفتح على العقول. يعني ايه يفتح على العقول؟ جميع الاختراعات. جميع الاكتشافات جميع اكتشافات السنن والقوانين كلها من اسار اسم الله الفتح. لو العلماء لقوا علاج للسرطان علاج للفشل الكلوي. مصل لكورونا - [00:04:18](#)

ده من اثار اسم الله الفتح. فيه فكرة بتساوي مليارات يا جماعة الفيسبوك فكرة. وبتساوي مليارات. آآ اي ابليكيشن شاب ربنا فتح عليه بابليكيشن وبقي فكرة. يكسب منها ملايين. فكرة واحدة معلومة واحدة ممكن تساوي مليارات - [00:04:38](#)

فربنا سبحانه وتعالى بيفتح على العقول سبحانه وتعالى الادوية الاكتشافات الاختراعات. كل دي كل دي من اثار اسم الله الفتح. ده رقم ستة رقم سبعة الذي يفتح على اوليائه بالمعاني والولاية والقرب الذي يفتح الفتوحات الربانية بقى على الاولياء - [00:04:52](#)

فتح الله على الاولياء ففتحنا ابواب السماء. يا ترى كل باب من ابواب السماء؟ وراه خير قد ايه؟ ومدد قد ايه؟ ونور وبركة جندي لله من الملائكة قد ايه؟ لما ربنا يفتح ابواب السماء تتخيل كده ربنا هيديك ايه سبحانه وتعالى جميع مغاليق السماوات والارض في ايده - [00:05:12](#)

سبحانه وتعالى فدي معاني يعني سبع معاني لاسم الله الفتح. وفيه معاني تانية. البعض قال يعني الحاكم والقاضي يعني افتح بيننا وبين قومنا ان يحكم بيننا وبين قومنا ولكن هي ممكن تبقى يا جماعة حنة لما اهل الباطل يقفوا وش الوش مع اهل الحق فخلاص هم السد هم بقوا - [00:05:32](#)

مسلا الباب اللي بينك وبين فرج الله. فلازم الباب يتفتح لازم الباب يتشال. يعني اهل الباطل يتشالوا هيفتح هيفتح الفتح جاي جاي اوعى تقول الفتح اتأخر ليه اوعى تقول انا انا صليت - [00:05:52](#)

وحبيت وتدبرت في القرآن وسمعت دروس انا قلبي ما بخشعش ليه؟ انا ما وصلتش للخشوع في الصلاة ليه؟ انا دموعي ما بتشيلش وانا باقرأ القرآن ليه؟ اللي انت فيه ده في حد ذاته فتح - [00:06:09](#)

المجاهدة اللي ربنا فتح عليك بها دي في حد ذاتها فتح وربنا يحب منك الافتقار ده فكمل. كمل انت في فتح ما تقوليش انا انا دعيت كثير وصليت قبل الفجر - [00:06:22](#)

بين الادان والاقامة والمشكلة اللي عندي لسة ما اتحلش وبدعي وباطل صدقات وباصوم وادعي عند الفطار. هي المشكلة اللي انا فيها والكرب اللي انا فيه والغم اللي نزل بي هو ما بيتحلش ليه؟ اللي انت فيه ده - [00:06:36](#)

هو نفسه فتح اغلى من ان المشكلة تتحل. ده ربنا لو لا يعلم ان اللي انت فيه ده فاتحة اعظم من حل المشكلة. كان سبحانه وتعالى تحزن عليك وحلها انما اللي انت فيه ده فتح، اللي انت فيه ده ربنا يحبه منك، والفرج هيجي اعظم مما تتخيلي. انت عارف الفرج بيتأخر ليه؟ انت عارفة الفتح بيتأخر ليه - [00:06:50](#)

ربنا بيختبر اسرارك يختبر اصرارك لما الواحد مرة اغمى عليه كده فبيتصلوا بالدكتور طب لو الدكتور ما ردش هيتصلوا به تاني وعاشر ومية ما هو ما ينفعش ما يتصلوش به. هيتصلوا به الف مرة لحد ما يرد. انت كذلك ربنا بيختبر اصرارك. هو انت صادق -

[00:07:10](#)

وانت لو الباب ما فتحش بعد خبطتين ثلاثة هتمشي وهو ممكن على وشك الفتح ولا انت ما لكش غير باب ربنا. وهتفضل واقف على باب ربنا سبحانه وتعالى. ربنا بيختبر اصرارك - [00:07:27](#)

ربنا بيبختبر صدقك. النبي عليه الصلاة والسلام في منى وهو يبطوف على الخيام. يعني بعد عام الحزن وبيدور خلاص ايام منى خلصت. والحج خلص وكل العرب مشوا ورجعوا ثاني ما فيش حد راضي يستجيب للنبي عليه الصلاة والسلام. اخر يوم وخلص والناس فكت الخيام بتاعتها من منى والحج خلص. ستة شباب من منى - [00:07:37](#)

وهم بيفكوا الخيم بتاعتهم. النبي عليه الصلاة والسلام ورايحين يحلقوا. النبي عليه الصلاة والسلام يروح يكلمهم. ويبدأ يتكلم معهم عن ربنا. يقولوا له ده احنا بلدنا كلها حرب اهلية. ده احنا بلدنا - [00:08:01](#)

مسيطرين على اقتصادها. ده احنا بلدنا خربانة بسبب الدم اللي بقى بين الناس. هو الاسلام ده ممكن يحل لنا مشاكلنا. والنبي عليه الصلاة والسلام يكلمه عن ربنا ويكلمه هنعود الاسلام يسلم الستة والستة دول يبقوا نواة المدينة المنورة اللي بقت عاصمة الانطلاق لفتح نصف العالم في خمسة وعشرين - [00:08:11](#)

عشرين سنة يا جماعة ربنا الفتح. النبي عليه الصلاة والسلام ما يأسس ما يأسس ابدأ. ما تقولش الفتح اتأخر ليه؟ هيفتح هيفتح. هو اسمه الفتح عشان يقول لك ان الفتح - [00:08:31](#)

فتحي جاي فما تقولشي امتى؟ الفتح بيجي في لحزة. اللي الواحد يتعلمه في حياته الفتح بيجي في لحزة يا جماعة والله. زي سيدنا موسى عليه الصلاة والسلام. نطار وجعان وفجأة ربنا بيعت له الفتاتين. وابو الفتاتين والوزيفة والجواز ربنا قادر في لحزة. بالنهار كان حالته اسوأ حال. بالليل كان اسعد - [00:08:41](#)

ربنا قادر يغير حالك بين يوم وليلة. كانت والدتي زمان تعلمني الله يرحمها. الله يرحم امهاتنا وابائنا جميعا يا رب. كانت تعلمني يا ابني نار تصبح رماد ليه يا رب يعدلها؟ لما قرأت في سورة الحج قول الله فتصبح الارض مخضرة قلت لأتبات نار تصبح عمار - [00:09:01](#)

لها رب يعدلها سبحانه وتعالى. الفتح الفتح بيجي في لحظة يعني ما انساها لما دخلت العناية المركزة اخر مرة اه عناية القلب اه يعني سبحان والله العظيم يوم ونص يوم ونص كاملين يعني بيسموها فعمليات القلب تعلق على الكوردارون اللي هو دواء آآ اعاده انتظام ضربات القلب والقلب ما بيسستجيبش - [00:09:23](#)

ما فيش استجابة وفعلنا بدأت اقلق. وخلص بدأت احس ان انا مستهلك. مش قادر انطق. تخيل بقى زوجتك واقفة برة يومين او يوم ونص ما ارتحتش ما نامتش وقاعدة بص مش قادر اتكلم اصلا. بس مش عارف اعمل ايه. والواحد قلبه بيسستغيس بالله سبحانه وتعالى. فجأة اللي جنبني بدأ - [00:09:43](#)

الاكسجين بتاعها ينزل فجأة اتعلقت على تنفس صناعي. نسأل الله العافية. نسأل الله العافية. نسأل الله العافية. اللي جنبها شاب فجأة مات والدنيا مقلوبة وانا اصحابي جم زاروني صحابي اطباء قلت لهم خرجوني من هنا انا عايز اخرج من هنا راحوا للدكاترة اللي في القسم قالوا لهم غلط وخطر من - [00:10:04](#)

قالوا لي كده حسيت ان انا مش عارف اعمل ايه. يوم ونص عدى وما عدتش قادر اتكلم وخلص مش فعلا مش قادر ان انا انطق. في الاخر جا لي اتنين من اصدقائي. قلت لهم قوموني خلوني اتوضأ. وضوني. ووقفت كده اصلي على كرسي متحرك - [00:10:23](#)

في وش الحيلة. قلت يا رب طب اتوسل اليك بايه عشان تفرج عني اللي انا فيه. افكرت بعض مواقف كده مع والدي الله يرحمه ووالدتي الله يرحمها دعيت ربنا يا رب لو كنت قبلت مني موقف عملته مع والدي رائع الله يرحمه او والدتي افرج عني يا رب. مش عايز ادخل الاوضة دي ثاني. مش عايز ادخل اوضة العناية المركزة دي ثاني يا رب - [00:10:39](#)

يا رب قعدت اقسم على الله سبحانه وتعالى اخ من اخواني قام مشغل سورة مريم وقعد يرقيني والله يا اخواني بابص لقيت النبض رجع طبيعي لقيت نفسي فقت ثاني لقيت نفسي عارف اخذ نفسي ثاني. وسبحان الله ودعوتي لربنا في الصلاة ما ادخلش الاوضة ثاني. ما دخلتهاش ثاني. نسأل الله العافية. نسأل الله العافية - [00:10:59](#)

عايز اقول ايه؟ الفرج بيجي في لحزة ما تقولش الفاتحة يجي امتى؟ ما تقولش الفرج هيجي امتى؟ الفرج بيجي في لحزة من عند الله سبحانه وتعالى كنت في بلد غربة وكان عندي مصلحة مهمة اوي. اوي دخلت اصلي المغرب في الجامع ومش مهمة مهمة يعني. مستقبل يعني بالنسبة لاهل الدنيا دي اسمها مستقبل - [00:11:19](#)

في مهنتي وسبحان الله كلنا ضعفاء وبنوصل للحزة الواحد بتضييق به الدنيا حتى لو امر دنيوي كنت متأخر ركعة عن صلاة الجماعة في البلد دي. بلد بعيدة جدا عن بلدي يعني. قعدت اصلي الركعة الاخرانية ديت. قعدت ابكي لله. مش قادر. من كتر احساسني بالضغط قعدت - [00:11:39](#)

اعيط ام تبكي؟ وادعي ابكي وادعي لحد المسجد فضي خالص والناس مشت كلها ففي الاخر وانا خارج من المسجد كده يعني بتأسر جدا بالواحد حاسس ان هو فقير اوي الى الله. لقيت واحد واقف على باب المسجد لابس كاماة كده فبيص لي كده انا في بلد بعيدة جدا عن بلدي يعني. قال لي - [00:11:56](#)

فلان فبصيت له كده اه اهلا وسهلا وبسلم عليه لازم نجبر خاطر الناس. ونبقى زوق مع الناس وبازن الله سبحانه وتعالى بنستعين بالله على هذا يعني لقينته بيقول لي طب فيه ايه؟ طب مشكلة ايه؟ مش عايز اقول له مش يعني يعني خلاص الواحد انزل حاجته بالله. فضل يصمم طبعا فوجئت ان هو ربنا جعله سبب - [00:12:16](#)

خطير ان الازمة دي في خلال ساعة كان ربنا حلها. وكان ربنا فرجها. مين اللي جاب الراجل ده في المسجد ده في المسجد دهبو بالزات يصلي فيه الصلاة دهيه بالزات رغم ان عنده الف حاجة ومساجد تانية ومين اللي جابني في المسجد ده بالزات ومين اللي جاب سبحان الله يا جماعة - [00:12:35](#)

الفرج بيبجي في لحزة ما تقوليش الفاتحة بيجي امتى ما تقولش الفاتحة بيجي هيبجي امتى وما تقولش هيبجي ازاى. ربنا ما تقولش هيبجي فين ربنا بيفتح في اي مكان. احد اخواني كان سافر يدعو الى الله مع جماعة التبليغ والدعوة - [00:12:53](#)
في المانيا فبيقول لي فجا لي واحد قال لي زوجتي واحد مسلم زوجتي مسلمة ومقلبة علي ومعزباني ومتمردة علي تعال كلمها وقل لها قال الله وقال رسول الله لعلها تتعظ. بيقول رحت معه البيت فوجئنا انها مع يعني والعياذ بالله عشيق لها بتزني في البيت - [00:13:06](#)

بيقول فانا انا جاي ادعو الى الله انا ما يعني واحد اللي بيهتزني معه ده كان واحد الماني غير مسلم بيقول انا جاي ادعو الى الله وقفت في حجرة الزنا ادعوهم هم اللاتين الى الله. بيقول مين اللي ربنا فتح قلبه؟ مين اللي الفتاح تجلى على قلبه وفتح قلبه - [00:13:25](#)

الالمان الغير مسلم دهبو واسلم وقال الشهادتين وخرج معه على المركز الاسلامي عشان يتعلم الاسلام. فبيقولوا انا خارج لقيت الراجل بيجري ورايا انا مراتي زي ما هي. انت سايب مراتي اللي انا جايبك تكلمها. سبحان الله بقى هو يعني يعني مروهته جابته على قد كده يعني. فبيقول لي - [00:13:42](#)

صديقي ده هو دكتور في كلية هندسة قال لي قلت له ما دام الشيطان اللي في حياتها مشي مراتك هتتعادل معك ثاني. ما تقلقش ولكن سبحان الله! شوفوا الفتح فين! شوفوا - [00:14:02](#)

ربنا فتح على الراجل الغير مسلم دهبو بالاسلام ده راح يزني يا جماعة رح يا زني وراح يخون واحد في زوق مع زوجته. والفتاح بيرتب له ان هنا فتح اوعى تياس - [00:14:12](#)

اوعى تياس من فتح ربنا مهما كانت زنوبك اوعى تياس ان ربنا هو ربنا يفتح علي ليه؟ انا ما استاهلش. سبحان الله! ابو بوردة ابن ابو موسى الاشعري، وسيدنا ابو موسى الاشعري ييموت - [00:14:24](#)

ده ابو بوردة يعني ابو بوردة ابنه الكبير يعني فكان سيدنا موسى كل ما يغمى عليه ما يعني يغمى عليه ويفوق يقول اذكروا صاحب الرغيف. القصة دي جميلة اوي وصحيحة ثابتة عن النبي عليه الصلاة والسلام. سابتة سندها صحيح يعني. اذكروا صاحب الرغيف. اذكروا صاحب الرغيف ويقوم يغمى عليه. يصحى اذكروا - [00:14:35](#)

صاحب الرغيف فقال له ابو بردة يا ابتي من صاحب الرغيف؟ قال له يا بني كان عابد عابد من عباد بني اسرائيل كان له صومعة عبد الله سبعين سنة سبعين سنة كان كل اسبوع يخرج يجيب اكل ويرجع ثاني ويقفل عليه صومعته. واحد متفرغ لعبادة الله سبحانه وتعالى. هذا الرجل بعد - [00:14:55](#)

سنة خرج. تخيلوا يا جماعة سبعين سنة عبادة. فشب له الشيطان امرأة. وفي رواية فشب له الشيطان امرأة. شب الشيطان له امرأة يعني قعد يثير شهوته بتفاصيل جسمها. قعد يخليه يبص على مفاتن جسمها. وشاب بهلوه الشيطان امرأة الشيطان بقى ايه بدأ يحليها في عينيه - [00:15:15](#)

بدأ يجملها في عينيه فلا يزال يكلمها وتكلمه الاستدراج بقى. ما فيش حد بيستبدل مرة واحدة. ما فيش حد بيتطرد مرة واحدة. الاستبدال بييجي بالتدريج فلا يزال يكلمها وتكلمه حتى وقع معها في الزنا سبع ليال. سبعين سنة عبادة وبعدها سبع ليالي زنا - [00:15:35](#)

والعياذ بالله فكشف عنه غطاؤه. ربنا فوقه فجأة. ربنا ازال الغفلة عنه فجأة فقام على وجهه. الرجل كان هيتجنن. انا ايه اللي انا عملته ده! انا ايه اللي انا عملته - [00:15:54](#)

انتم ده تخيلوا بقى واحد بعد سبعين سنة عبادة فتح من الله بسبعين سنة عبادة يسبب كل ده. ويلقي بكل هذا بظهره ويروح يقع في الزنا مع واحدة سبع ايام - [00:16:04](#)

تتوقعوا ان الفتاح يفتح عليه تاني؟ تتوقعوا ان ربنا يعمل ايه؟ دا دا هيتعرض للانتقام ربنا بالتأكيد على وجهه فكان كلما خطا خطوة سجد لله سجدة. انا حاسس يعني ان الرجل ده هيتجنن. الرجل ده لما فاق وفاء هو عمل ايه؟ هيموت - [00:16:17](#)
انا دمرت حياتي انا قطعت بيني وبين ربنا. فكان كل ما يخطي خطوة يسجد ويبيكي ويصرخ ويعيط. ويتوسل الى الله تب علي يا رب فوجد اثني عشر عابدا لقي اتناشر واحد عباد زهد كده قاعدين يعبدوا ربنا ليل نهار. وفيه واحد راهب بييجي كل يوم يقوم رامي لهم بالليل اتناشر رغييف كل واحد له رغييف - [00:16:33](#)

فقعد ما بين راجلين فيهم والناس مش واحدة بالها ان في واحد في الشلة جديد زاد. هو بقى اتعلم. هو كان لوحده فالشيطان عرف يضحك عليه بعد انسانة عبادة ويوقعه في الزنا فاتعلم بقى ان حتى لو ناس ملتزمة غلبانة اقعد وسطها. لانك مش هتسبت غير وسط صحبة صالحة. ووسط بيئة ايمان - [00:16:53](#)

جه الرجل الراهب يديهم الارغفة فهو مش عارف ان ييقوا تلاتاشر. فاد وزع الارغفة الارغفة فهو خد رغييف جه رقم تلتاشر اللي في الاخر اللي هو كان رقم اتناشر قال له اين رغييفي؟ فالراهب افكره بيضحك علي عشان عايز رغييف زيادة ما رضاش يدي له. وقام ماشي - [00:17:13](#)

فالراجل لقي الثاني هيعيط وهبيكي وجعان وهيعمل ايه؟ فصعب عليه طوبة لربنا مسك الرغييف بتاعه واداه للراجل رقم اتناشر ننام من الجوع والالم النفسي مات مات فوزن راح لربنا بقى - [00:17:30](#)

فوزنت عبادة السبعين عام بزنا السبع ليال. فرجحت السبع ليال فوزن السبع ليال بالرغييف ورجح الرغييف. الله اكبر! ايه الجمال ده يا جماعة ايه الجمال ده يا رب! ايه ايه الروعة دي! الرغييف - [00:17:49](#)

انت ما انتيش عارفة العمل اللي ربنا ينجيك به. انت مش عارفة العمل اللي ربنا يفتح لك به. انا باقول القصة دي ليه؟ باقول القصة دي. عشان كل واحد يقول انا ما استاهلش ان ربنا يفتح لي - [00:18:10](#)

انا ما استاهلش ان ربنا يفرجها علي. الرجل ده بعد ما زنى السبع اللي ربنا فتح له وقبله وادى له بيئة الايمان وادى له الصحبة اللي مات على حسن خاتمة - [00:18:19](#)

فيها ورزقوا حسن الخاتمة. يا جماعة كشف عنه غطاءه. يعني اظهر له من الايات او اظهر له ما ذكره بان يترك الغفلة ربنا الفتاح. ما تقولش انا ما استاهلش. ما تستبطقيش الفاتحة. ما تقوليش طب طب طب طب طب ازاى ربنا قادر انه يفتح بطريقة - [00:18:29](#)
وطرق عمرك ما خطرت لك على بال ولا جات لك على خيال. يا جماعة سيدنا ايوب الفرج جه وهو في في وهو فين؟ سيدنا ايوب الفرج جه وهو في الخلاء. انت ما انتاش عارف - [00:18:49](#)

اللي يفتح ربنا عليك فيه زي ما قلت لكم الرجل داخل يزني كان فتح ربنا. في هذا المكان هو راجل كافر وربنا بيعامل الانسان برفقه سبحانه وتعالى وبلطفه سبحانه وتعالى ما تقولش ازاى ربنا قادر. بطريقة لا تتخيلها. ولا تتخيلها ان ربنا يفتح عليك سبحانه وتعالى -

الله قادر انتم عارفين سيدنا يوسف لما ربنا اراد انه يفتح له اكثر باب مقفول على وجه الارض سجن زمان. السجن زمان كان ده اللي داخل ميت ميت. ربنا فتح له باب السجن برؤية. الملك شافها - [00:19:22](#)

ربنا قادر برؤية يغير وضع دولة كاملة برؤية يشوفها وربنا قادر يا اخواننا ما انساش ابدأ سبحان الله! الواحد اتعلم من الدين! ان الواحد ما يعطلش عن الاسباب وما يقولش الفاتحة يبجي منين! كنت زمان وانا بدي درس مسجد السلام في المنصورة! وكان ظروفه المادية بتاعة الواحد كانت ضعيفة جدا - [00:19:37](#)

يعني يعني ممكن آا رايح المسجد ماشي اصلا لاني ما عيشش تمن مواصلات داخل المسجد بجري عشان الحق صلاة المغرب بسرعة هيقيمه لان الدرس كان ما بين المغرب والعشاء. هيقيمه بعد دقيقتين فبجري لقيت واحد ساكن قدام المسجد واللي ساكنين -

المسجد دول عليه القوم بقى. يعني فواحد ساكن قدام المسجد فبيقول لي ايه ؟ فبيقول لي استنى انا شفت رؤية. انا شفت رؤية لي ولك. فانا اتضايقت اوي. يعني انا عايز الحق اصلي المغرب. يعني طب قلها لي بعد ما اخلص الدرس. وبعد كده قلت طيب -

ماشي حضرتك اتكسفت منه مش هاحرج حد يعني ان شاء الله. ربنا يعيني على هذا. فقلت له وانا واقف على باب المسجد كده وبسرعة ايه الرؤية؟ قال لي شفت ان انا وانت رايعين الحرم المكي - [00:20:24](#)

مسلا يومئذ يوم اتنين زو الحجة كده. والكل بقى المزياح الراديو في جميع الشوارع. لبيك اللهم لبيك اذاعة القرآن الكريم. خلاص الناس خلاص فقال لي شفت ان انا وانت داخلين الحرم والعساكر سادين الباب بتوع الحرم والناس كتير عايزة تدخل وهم مانعينهم. انا وانت العساكر عدونا احنا ليه - [00:20:33](#)

اتنين بس وقفوا على باقي الناس فانا بصيت له كده الرؤية دي معناها ان انا هاحج ربنا يفتح لي باب مكة. طب احج ازاي ؟ تأشيرة عايزة لها خمسين ستين الف جنيه ما عيشش انا انا ممكن يومها رايح اصلا مش بمواصلات اصلا - [00:20:55](#)

يعني ممكن ما عيشش فلوس ان انا اروح المطار مش ان انا اروح من المطار للسعودية! طب هسكن فين وازاي؟ طب هجيب آا تأشيرة! طب هجيب تزكرة طب اصرف هناك ايه المهم دخلت بقى واياه وصليت السنة لحقت اصلي السنة في دقيقتين وانا بصلي سنة

المغرب القبلية قاعد اعيط - [00:21:10](#) ابكي ومش بدعي وربنا بحاجة انا قاعد ابكي ينفع احج ينفع ابقى من الناس اللي قاعدين يقولوا لبيك اللهم لبيك ادبت الدرس وانا خارج من المسجد خارج المسجد بعد ما صلينا العشاء لقيت واحد بيجري ورايا كنت اول مرة اشوفه في حياتي - [00:21:28](#)

بيقول لي لو سمحت بس انا في حاجة قلت له نعم. قال لي انا معي ثلاث تأشيريات حج مجاملة. آا ثلاث تأشيريات حج مجاملة. ومش عارف اعمل بهم ايه قلت اطلع مش نافعة. حاولت اخويا يطلع مش نافعة. الدنيا مقفولة. لما بابي اتقفل عشان يتفتح لك انت. قال لي والثلاث تأشيريات خلاص هيضيعوا يومين ثلاثة وهتروح فاعليته - [00:21:42](#)

وخلاص تاخدمهم. قلت له نعم! ثلاث تأشيريات حج. خدتهم. كان يومئذ مين اللي جاي من القاهرة يزورني في المنصورة؟ الشيخ امين الانصاري سبحان الله العظيم! فقلت له تعال نروح ايه نروح نبات في مصر مع بعض! انا طاير من الفرع بقى! معه تأشيرة حج! يعني خد الجواز بتاعه اهوات! التأشيرة جاية التأشيرة معه اصلا - [00:22:02](#)

فسبحان الله العزيز كان معنا واحد شاب مسكين جدا يعني جه يوصلنا يومئذ كده ونبات عنده في القاهرة فانا ماشي طول الطريق الشيخ امين انا هادي له تأشيرة بازن الله. طب الشاب هدي له تأشيرة - [00:22:21](#)

يعني مطعمينهم لحد مسلا يكون من الدعاء وبعد كده قلت يا عم هو ربنا فتحها له هتقفلها انت ليه ربنا فتحها من عنده ليه انتم عارفين زمان القاضي الحاكم اللي كان سجن واحد فام المسجون ده بعنت له التماس يفرج عن ابنها فاول ما شاف الرسالة -

قال زكرتيني ده انا عايزه يموت وقام جايب ورقة يقتل. فجه يكتب يقتل قام كاتب يطلق فادها للحاجب. قال له انت كاتب مطلق قال له لا يطلق ايه هات ورقة يقتل قام كاتب يطلق ثلاث مرات - [00:22:53](#)

في الآخر بيقلولوا التكايب يطلق قال له ربنا يريد انه يفتح له. وانا اريد ان انا اقتله ارادة الله نافذة واطلقه. سبحان الله العظيم! يعني فتح الله سبحانه وتعالى. الواحد اتعلم الموقف ده ان ربنا قادر انه يفتح في اي وقت. يعني لو حد جه لحد يوم ثلاثة زي الحجة وقال له هتروح تأشيرة وتأشيرة - [00:23:09](#)

وما عكش اسباب ربنا قادر يا جماعة. عشان كده هيفتح هيفتح سمي نفسه الفتح عشان يقول لك ان الفتح جاي جاي. وان ربنا هيفتح هيفتح من الحاجات اللي يقشعر لها قلب الواحد. السيدة هاجر رضي الله عنها وارضاهها كانت وهي بتطوف - [00:23:29](#)

بين الصفا والمروة موتت نفسها في السعي. عشان تسقي اسماعيل والنبي يموت. هي سعت وفي الآخر الفتح جه. بس هي سعت في مكان والفتح جه في مكان ثاني زمزم هي ما سعتش عند زمزم. وسعت في وقت والفتح جه في وقت ثاني بعد ما خلصت سعي الفتح جه. وساعت عشان سبب عايزة حد يكون معدي مسلا قافلة تغيثها - [00:23:45](#)

والفتح جه لسبب ثاني. سيدنا جبريل نزل يعني الفتح جاي جاي في الوقت اللي ربنا يآزن به ما تقولش امتي ما تقولش ازاى ما تقولش فين. ما تقولش ما استاهلش ربنا قادر. بل ممكن يكون الفتح جه وانت ما تعرفش - [00:24:06](#)

ممكن يكون الفتح جه وانت ما تعرفش ممكن يكون ربنا فتح من عنده. وانت ما تعرفش ممكن تكون واحاول اختم على على على النقطة دي لانها خطيرة اوي ممكن تكون في فتح وانت فاكركه غلق - [00:24:22](#)

وانت فاكركه غلق اصلا وانت ما انتاش مستوعب سيدنا يوسف عليه الصلاة والسلام سيدنا يوسف كنت وانا طالب من القصص اللي ربنا انقزني بها. وانا في كلية طب والتكاليف الدراسية رهيبة. وضغط العيلة رهيب - [00:24:38](#)

اهلك خافين عليك من التدين والالتزام وانت شاب وتمشي في الجامعة تبص للمتبرجات ومش عارف اعمل ايه وعندي احلام دراسية وفي نفس الوقت عايز الدين وعايز دعوة. ومش عارف اعمل ايه. والواحد كان في حالة ضغط رهيبة. قصة يوسف في سورة يوسف ربنا انقزني بها. ربنا يبسر يا رب - [00:24:52](#)

كده في سورة يوسف بازن الله سبحانه وتعالى يعني القصة دي جوة قلبي فيها ما لا يعلمه الا الله. فكنت اقعد ابص كده وانا في الابتلاء ده اقول ياه لولا - [00:25:12](#)

لولا تقي الملك قابل الملك ما كانش عرفه ان فيه واحد اسمه يوسف اصلا بيعرف في اول الرؤى طب لولا يوسف دخل السجن امش قابل ساقى الملك اصلا الله! طب ما لولا يوسف اتعرض للظلم من امرأة العزيز ما كانش دخل السجن اصلا - [00:25:22](#)

طب لولا يوسف ما تيجي نعمل اكتر بقى. طب ما لولا يوسف عليه الصلاة والسلام. اصلا ما كانش اترمى في الحب ما كانش اصلا وصل لمصر ولا كان اتعرض للظلم ده. طب ما لولا اخواته هم اللي زلموه ورموه في الجيمب ما كنش كل ده حصل - [00:25:45](#)

الملك اللي وصل له يوسف لولا الظلم ده كله ما كانش وصل له. كنت اقول سبحانك يا رب ظلمات بعضها فوق بعض تخلق منها بفتح الله انوار الدنيا والاخرة. ربنا الفتح يا جماعة - [00:26:05](#)

ربنا الفتح انت ممكن تكون متهيأ لك انك في غلق. سيدنا يوسف في السجن. سيدنا يوسف في الحب. سيدنا يوسف في الزلم. سيدنا يوسف في وسيدنا يوسف هو ده طريق الملك. هو - [00:26:21](#)

ده طريق الملك اللي ربنا سبحانه وتعالى رسمه لسيدنا يوسف واعطاه لسيدنا يوسف عليه الصلاة والسلام. معنى يا جبار معنى عزيز اوي زي النبي عليه الصلاة والسلام في الطائف عليه الصلاة والسلام. حبيب الله محمد الدنيا كلها مقفلة في وشه. اتطرد من مكة. باب مكة اتقف. راح الطائف قفلوا الباب في وشه وخلوا الاطفال يقذفوه بالحجارة. ابواب - [00:26:31](#)

كلها اتقفلت في وشه وهو راجع وهو راجع وهو رايح يسلم على ايد. مجموعة من الجن وهو واقف يصلي. والدنيا كلها الابواب مقفولة. يسلموا اذ صرفنا اليك نفر من الجن يستمعون القلوب - [00:26:51](#)

فلما حضروه قالوا انصتوا فلما قضي ولوا الى قوم منذرين. اتفتح للنبي عليه الصلاة والسلام في عالم الجن دعاة جد. وعداس

العراقي دولة جديدة واحد من دولة جديدة خالص من نينوى في العراق. ثاني اكبر محافظة في العراق بلد سيدنا يونس ابن متى.

عليه الصلاة والسلام اسلم يبقى دي البشر وادي الجن. وملك الجبال ينزل له وادي - [00:27:04](#)

الملايكة يبقى ملايكة وجن وانس يعني جميع انواع العوالم ربنا هداها على ايديه. في هذه الرحلة اللي كل الابواب مقفولة فيها ما

تقولش ان انت مقفول عليك انت ممكن تكون في قمة الفتح وانت مش عارف - [00:27:24](#)

يعني عايز اقول ايه في النهاية عايز اقول حزنك وهم خوفك وهم اكوام كل اللي انت خايف منه وهم كل اللي انت خايف منه تسعة

وتسعين في المية وتسعة من عشرة منه مش هيحصل اصلا. انت خايف من اوهام انت بتحكم في حياتك اوهام. انت مسجون جوة -

[00:27:37](#)

وجوة مخاوف كلها اوهام. ما فيش حاجة منها تحصل. ولا حاجة منها حصلت قبل كده. خايف ليه؟ وقلقان ليه؟ ممكن تكون في فتح

كبير اوي وانت متهيأ لك انك انت في غلق اختم بالكلمة اللي بدأت بها. اوعى ربنا يفتح لك الابواب بايديه وانت تقفلها - [00:27:55](#)

على نفسك بايديك بزنبوك. بغفلتك بكسلك. اوعى نسأل الله سبحانه وتعالى الفتح. اللهم افتح لنا ابواب الرزق. اللهم افتح لنا ابواب

فضلك. اللهم افتح لنا ابواب هداك. اللهم افتح لنا ابواب نورك وبركتك. اللهم افتح لنا ابواب نصرك وكرمك - [00:28:15](#)

اللهم افتح لنا ابواب لطفك وودك. اللهم افتح لنا ابواب برك واحسانك. اللهم يا فتاح افتح علينا بكل خير اغلق عنا كل باب شر يا رب.

اللهم افتح علينا بالتوبة والمغفرة يا اكرم الاكرمين - [00:28:35](#)

اللهم افتح لنا من عندك فتحة مبينا يا رب في ديننا ودنيانا يا رب. اللهم افتح لنا من ابواب الدعوة اليك ما ترضى به عنا. اللهم افتح لنا

من ابواب طاعتك ما ترضى به عنا. برحمتك يا ارحم الراحمين. سبحانك اللهم وبحمدك اشهد ان لا اله الا انت استغفرك واتوب اليك -

[00:28:53](#)

اتوب اليك. جزاكم الله خير اسماؤه الحسنی تجلت في الوری. فاهتف بها واجعل لقلبك من ضرر انا فتحنا والفتوح ميسرة فتحنا مبينا

ليس فيه تعسرا انا فتحنا والفتوح ميسرة. ميسرة - [00:29:13](#)

اسماؤه - [00:29:56](#)